



Bosnia and Herzegovina
Federation of Bosnia and Herzegovina

CANTON SARAJEVO
Prime Minister's Office

Broj: 02/01-02-45704-1/21
Sarajevo, 12.1.2022. godine

Bosna i Hercegovina
Federacija Bosne i Hercegovine
KANTON SARAJEVO

PRIMLJENO: 14-01-2022			
Organizaciona jedinica	Klasifikaciona jedinica	Redni broj	Broj prijava
01	02	1151	

SKUPŠTINA KANTONA SARAJEVO
n/r Elvedina Okerića, predsjedavajućeg Skupštine

PREDMET: Inicijativa za dopunu odredbi Zakona o plaćama i naknadama u organima vlasti Kantona Sarajevo, dostavlja se,-

VEZA: Akt Ministarstva pravde i uprave Kantona Sarajevo, broj: 03-04-02-46446/21 od 16.12.2021. godine

Poštovani predsjedavajući Okeriću,

ovim putem Vas obavještavam da Kabinet premijera Kantona Sarajevo **povlači Inicijativu** za dopunu odredbi Zakona o plaćama i naknadama u organima vlasti Kantona Sarajevo, dostavljenu aktom Ministarstva pravde i uprave Kantona Sarajevo, broj: 03-04-02-46446/21 od 16.12.2021. godine.

Istovremeno, **dostavljamo Vam novu Inicijativu** za dopunu odredbi Zakona o plaćama i naknadama u organima vlasti Kantona Sarajevo ("Službene novine Kantona Sarajevo" broj 5/19) i to:


Član 9. stav (1) mijenja se na način da:

- tačka IV glasi: „**rukovodilac samostalne kantonalne upravne organizacije 8,80**“
- u tački X (nova tačka XI) briše se „**i samostalne kantonalne upravne organizacije**“.

Dosadašnje tačke IV, V, VI, VII, VIII, IX, X i XI postaju tačke V, VI, VII, VIII, IX, X, XI i XII.

Kao što Vam je poznato, samostalne upravne organizacije osnovane su za obavljanje upravnih i stručnih poslova čija priroda i način izvršavanja zahtijevaju posebnu organizovanost i samostalnost u radu.

Uprkos tome, za rukovodiocce samostalnih upravnih organizacija nije zakonom regulirano uvećanje plaće po osnovu posebnih uslova rada iako je upravo to osnov uvećanja plaća rukovodiocima samostalnih kantonalnih



web: <http://vlada.ks.gov.ba>
e-mail: sefkabineta@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



uprava u skladu sa Zakonom o plaćama i naknadama u organima vlasti Kantona Sarajevo kao i Zakonom o zaštiti i spašavanju ljudi i materijalnih dobara od prirodnih i drugih nesreća u FBiH.

Cijeneći značaj i obimnost poslova samostalnih kantonalnih upravnih organizacija objektivna ocjena je da su rukovodioci navedenih organizacija nepravedno uskraćeni za uvećanje plaće po osnovu posebnih uslova rada.

Rukovodioci samostalnih upravnih organizacija se u kontinuitetu suočavaju sa problemom deficitarnosti kadrova, pogotovo kvalitetnog kadra za obavljanje stručnih poslova iz nadležnosti samostalnih upravnih organizacija među kojima su poslovi: planiranje prostornog i društveno-ekonomskog razvoja Kantona, upravljanje izradom prostorno planske dokumentacije i vođenje projekata stručnog nadzora, stručni nadzor za izgradnju, rekonstrukciju, sanaciju objekata visokogradnje i niskogradnje, stručni nadzor nad izvođenjem radova vanjskog uređenja, stručni nadzor za radove na izgradnji, rekonstrukciji i sanaciji elektroinstalacija i mašinskih instalacija, stručni nadzor za radove izgradnje, rekonstrukcije i sanacije klizišta, planiranje i razvoj jedinstvenog informacionog prostora KS, Grada Sarajeva i općina na području Kantona, intervencije na tržištu, u slučaju poremećaja u snabdijevanju ili nekontrolisanog rasta cijena osnovnih prehrambenih proizvoda, nafte i naftnih derivata kao i rad na osiguravanju besplatne pravne pomoći koji iziskuje veoma intenzivnu komunikaciju sa strankama kao i široko poznavanje zakonskih i podzakonskih propisa u cilu adekvatnog pružanja navedene podrške građanima lošeg imovinskog stanja.

Riječ je o veoma odgovornim i obimnim poslovima koji zahtjevaju visoku stručnost i samostalnost u radu i odlučivanju, a što s obzirom na brojne nanadležnosti samostalnih upravnih organizacija i njihov utjecaj na doprinos razvoju Kantona Sarajevo i ispunjavanje evropskih standarda javne uprave oslikava posebnost uslova rada navedenih rukovodilaca.

Uz sve navedeno, uvećanjem plaća rukovodiocima samostalnih upravnih organizacija prepoznaje se i intencija podrške deficitarnim kadrovima, s obzirom da, u skladu sa uslovima iz sistematizacija o unutrašnjoj organizaciji samostalnih upravnih organizacija, rukovodioci ovih organizacija su sa završenim arhitektonskim, građevinskim, mašinskim, elektrotehničkim, ekonomskim te pravnim fakultetom sa položenim pravosudnim ispitom i višegodišnjim radnim iskustvom u struci. Traženi profesionalni kadar za rukovodioce samostalnih upravnih organizacija je deficitaran na tržištu rada u Bosni i Hercegovini dok su istovremeno na tom istom tržištu prosječne plaće navedenih profesionalnih profila značajno višije u poređenju sa plaćama rukovodioca samostalnih upravnih organizacija.

Shodno svemu navedenom, a u cilju očuvanja visokog stepena profesionalnosti i stručnosti na pozicijama rukovodioca samostalnih upravnih organizacija, neophodno je uvažiti činjenicu posebnosti uslova njihovog rada i omogućiti, kroz izmjene navedenog zakona, uvećanje plaća rukovodiocima samostalnih upravnih organizacija kako se i predlaže u ovoj inicijativi.

S poštovanjem,



DOSTAVITI:

1. Naslovu,
2. Ministarstvu pravde i uprave – ovdje,
3. a/a.



web: <http://vlada.ks.gov.ba>
e-mail: sefkabineta@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

OTPREMIJEN
17-01-2022
JS
povis

Broj: 01-02-1151-1/22
Sarajevo, 14.01.2022. godine

VLADA KANTONA SARAJEVO

ZAKONODAVNO-PRAVNA KOMISIJA

Predmet: Mišljenje, traži se

U skladu sa članom 130. Poslovnika Skupštine Kantona Sarajevo („Službene novine Kantona Sarajevo“, broj: 41/12- Drugi novi prečišćeni tekst, 15/13, 47/13, 47/15, 48/16, 9/20 i 14/20) u prilogu akta dostavljamo vam Inicijativu za dopunu odredbi Zakona o plaćama i naknadama u organima vlasti Kantona Sarajevo („Službene novine Kantona Sarajevo“, broj: 5/19), koja je podnesena od strane Kabineta premijera Kantona Sarajevo, radi davanja mišljenja.

S poštovanjem,

PREDSJEDAVAJUĆI
SKUPŠTINE KANTONA SARAJEVO

Elvedin Okerić

Dostavljeno:
-naslovu
-a/a.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Zakonodavno- pravna komisija

Broj: 01-04-56-1/22

Sarajevo, 24.01.2022. godine

SKUPŠTINA KANTONA SARAJEVO

n/r predsjedavajućeg Skupštine

PREDMET: Mišljenje, dostavlja se

VEZA: Vaš akt broj: 01-02-1151-1/22 od 14.01.2022.godine

Na osnovu čl. 38. i 130. st.1. Poslovnika Skupštine Kantona Sarajevo („Službene novine Kantona Sarajevo”, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20 i 14/20) Zakonodavno-pravna komisija Skupštine Kantona Sarajevo na sjednici održanoj dana 24.01.2022.godine, razmatrajući Inicijativu podnesenu od strane Kabineta premijera Kantona Sarajevo broj: 02/01-02-45704-1/21 od 12.01.2022.godine, donijela je slijedeće:

MIŠLJENJE

Zakonodavno-pravna komisija je mišljenja da postoji pravni osnov za razmatranje Inicijative podnesene od strane Kabineta premijera Kantona Sarajevo broj: 02/01-02-45704-1/21 od 12.01.2022.godine za izmjenu Zakona o plaćama i naknadama u organima vlasti Kantona Sarajevo („Službene novine Kantona Sarajevo“, broj: 5/19), obzirom da je Inicijativa podnesena u skladu sa odredbama Poslovnika Skupštine Kantona Sarajevo („Službene novine Kantona Sarajevo”, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20 i 14/20), te je istu potrebno dostaviti Skupštini Kantona Sarajevo na nadležno odlučivanje.

Dostaviti:

1. naslovu,

2. a/a.



PREŠEDAJUĆI KOMISIJE



web: <http://skupstina.ks.gov.ba>

e-mail: skupstina@skupstina.ks.gov.ba

Tel: + 387 (0) 33 562-055,

Fax:+ 387 (0) 33 562-210

Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-2190-1/22
Sarajevo, 26.01.2022. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka), Vlada Kantona Sarajevo, na **163. vanrednoj** sjednici održanoj **26.01.2022.** godine, donijela je

ZAKLJUČAK

1. Prihvata se mišljenje Ministarstva pravde i uprave Kantona Sarajevo, broj: 03-04-02-46446/21 od 25.01.2022. godine i Mišljenje Ministarstva finansija Kantona Sarajevo, broj: 08-03-11-1151/22 A.Z. od 26.01.2022. godine na Inicijativu Kabineta premijera za izmjenu Zakona o plaćama i naknadama u organima vlasti Kantona Sarajevo.
2. Shodno članu 130. stav (2) Poslovnika o radu Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20 i 14/20), mišljenje se dostavlja Predsjedavajućem Skupštine Kantona Sarajevo, na dalje postupanje.

PO OVLAŠTENJU

ministar Dav



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo pravde i uprave Kantona Sarajevo,
5. Ministarstvo finansija Kantona Sarajevo,
6. Evidencija,
7. Arhiva.

Ⓢ Skupština KS (služba za skupštinske poslove)



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08-03-11-1151/22 A.Z.
Sarajevo, 26.01.2022. godine

VLADA KANTONA SARAJEVO

Predmet: Mišljenje na Inicijativu za dopunu odredbi Zakona o plaćama i naknadama u organima vlasti Kantona Sarajevo, dostavlja se

Veza: Zaključak Vlade KS broj: 02-04-1780-11.1/22 od 24.01.2022. godine

Vezano za Vaš zahtjev za mišljenje na Inicijativu za dopunu odredbi Zakona o plaćama i naknadama u organima vlasti Kantona Sarajevo, u skladu sa članom 8 Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:


U skladu sa navedenim Pravilnikom Ministarstvu finansija je uz Inicijativu dostavljen na mišljenje popunjen i potpisan obrazac IFP-NE u kojem je data sljedeća izjava: „Za izmjenu odredbi Zakona o plaćama i naknadama u organima vlasti Kantona Sarajevo nisu potrebna dodatna finansijska sredstva u Budžetu Kantona Sarajevo. Sredstva su obezbijedena na budžetskim pozicijama samostalnih kantonalnih upravnih organizacija (Zavod za informatiku i statistiku, Zavod za planiranje razvoja KS, Zavod za izgradnju KS, Direkcija za robne rezerve, Zavod za pružanje besplatne pravne pomoći) na stavkama: Plaće i naknade troškova zaposlenim, Naknade troškova zaposlenih, Doprinosi poslodavca i ostali doprinosi, Doprinosi poslodavca, Posebna naknada na dohodak za zaštitu od prirodnih i drugih nepogoda i posebna naknada za podsticanje rehabilitacije i zapošljavanje osoba sa invaliditetom.“.

Obzirom da za provođenje Inicijative nisu potrebna dodatna sredstva u Prijedlogu budžeta Kantona Sarajevo za 2022. godinu, na navedenu Inicijativu za dopunu odredbi Zakona o plaćama i naknadama u organima vlasti Kantona Sarajevo, Ministarstvo finansija, sa aspekta fiskalnog učinka na Budžet, **nema primjedbi ukoliko Prijedlog Budžeta Kantona Sarajevo za 2022. godinu u**



dijelu pozicija koje su navedene u Izjavi o fiskalnoj procjeni bude usvojen u formi koja je predložena Skupštini Kantona Sarajevo od strane Vlade Kantona Sarajevo.

Ovo mišljenje je dato u skladu sa odredbama Inicijative koja se obrađuje i podataka navedenih u Obrascu IFP-NE Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.




Dostaviti:

1. Naslovu
2. MF – Sektor za budžet i fiskalni sistem
3. a/a

Pripremila: Alma Zildžić, mr. oec.

Kontrolisala: Amina Moćević, mr.



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62





Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04-02-46446/21
Sarajevo, 25.01.2021. godine

VLADA KANTONA SARAJEVO

PREDMET: Mišljenje na Inicijativu za dopunu odredbi Zakona o plaćama i naknadama u organima vlasti Kantona Sarajevo, dostavlja se –

VEZA: Zaključak Vlade Kantona Sarajevo, broj: 02-04-1780-11.1/22 od 24.01.2022. godine i akt Predsjedavajućeg Skupštine Kantona Sarajevo, broj: 01-02-1151-1/22 od 14.01.2022. godine

Zaključkom Vlade Kantona Sarajevo, broj i datum gornji, ovo ministarstvo se zadužuje da dostavi mišljenje na Inicijativu za dopunu odredbi Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 5/19), dostavljenu dopisom Skupštine Kantona Sarajevo, broj: 01-02-1151-1/22 od 14.01.2022. godine.

U Inicijativi Kabineta premijera se, između ostalog, predlaže da se član 9. stav (1) Zakona o plaćama i naknadama u organima vlasti Kantona Sarajevo mijenja na način da:

- tačka IV glasi: "rukovodilac samostalne kantonalne uprave organizacije 8,80"
- u tački X (nova tačka XI) briše se "i samostalne kantonalne upravne organizacije".

Dalje se navodi da su *samostalne upravne organizacije osnovane za obavljanje upravnih i stručnih poslova čija priroda i način izvršavanja zahtijevaju posebnu organizovanost i samostalnost u radu, te da, uprkos tome, za rukovodiocima samostalnih upravnih organizacija nije zakonom regulirano uvećanje plaće po osnovu posebnih uslova rada iako je upravo to osnov uvećanja plaća rukovodiocima samostalnih kantonalnih uprava u skladu sa Zakonom o plaćama i naknadama u organima vlasti Kantona Sarajevo, kao i Zakonom o zaštiti i spašavanju ljudi i materijalnih dobara od prirodnih i drugih nesreća u FBiH, te da je, cijeneći značaj i obimnost poslova samostalnih kantonalnih upravnih organizacija objektivna ocjena da su rukovodioci navedenih organizacija nepravedno uskraćeni za uvećanje plaće po osnovu posebnih uslova rada.*

U Inicijativi se ukazuje da se *Rukovodioci samostalnih upravnih organizacija (se) u kontinuitetu suočavaju sa problemom deficitarnosti kadrova, pogotovo kvalitetnog kadra za obavljanje stručnih poslova iz nadležnosti samostalnih upravnih organizacija među kojima su poslovi: planiranje prostornog i društveno-ekonomskog razvoja Kantona, upravljanje izradom prostorno-planske dokumentacije i vođenje projekata stručnog nadzora, stručni nadzor za*



web: <http://mpu.ks.gov.ba>
e-mail: mpu@mpu.ks.gov.ba;
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1



izgradnju, rekonstrukciju, sanaciju objekata visokogradnje i niskogradnje, stručni nadzor nad izvođenjem radova vanjskog uređenja, stručni nadzor za radove na izgradnji, rekonstrukciji i sanaciji elektroinstalacija i mašinskih instalacija, stručni nadzor za radove izgradnje, rekonstrukcije i sanacije klizišta, planiranje i razvoj jedinstvenog informacionog prostora KS, Grada Sarajeva i općina na području Kantona, intervencije na tržištu, u slučaju poremećaja u snabdijevanju ili nekontrolisanog rasta cijena osnovnih prehrambenih proizvoda, nafte i naftnih derivata kao i rad na osiguravanju besplatne pravne pomoći koji iziskuje veoma intenzivnu komunikaciju sa strankama kao i široko poznavanje zakonskih i podzakonskih propisa u cilju adekvatnog pružanja navedene podrške građanima lošeg imovinskog stanja.

Riječ je o veoma odgovornim i obimnim poslovima koji zahtijevaju visoku stručnost i samostalnost u radu i odlučivanju, a što s obzirom na brojne nadležnosti samostalnih upravnih organizacija i njihov utjecaj na doprinos razvoju Kantona Sarajevo i ispunjavanje evropskih standarda javne uprave oslikava posebnost uslova rada navedenih rukovodilaca. Uz sve navedeno, uvećanjem plaća rukovodiocima samostalnih upravnih organizacija prepoznaje se i intencija podrške deficitarnim kadrovima, s obzirom da, u skladu sa uslovima iz sistematizacija o unutrašnjoj organizaciji samostalnih upravnih organizacija, rukovodioci ovih organizacija su sa završenim arhitektonskim, građevinskim, mašinskim, elektrotehničkim, ekonomskim te pravnim fakultetom sa položenim pravosudnim ispitom i višegodišnjim radnim iskustvom u struci. Traženi profesionalni kadar za rukovodioce samostalnih upravnih organizacija je deficitaran na tržištu rada u Bosni i Hercegovini dok su istovremeno na tom istom tržištu prosječne plaće navedenih profesionalnih profila značajno visočije u poređenju sa plaćama rukovodioca samostalnih upravnih organizacija.

Shodno navedenom, a u cilju očuvanja visokog stepena profesionalnosti i stručnosti na pozicijama rukovodioca samostalnih upravnih organizacija, u predmetnoj inicijativi se ističe da je neophodno (je) uvažiti činjenicu posebnosti uslova njihovog rada i omogućiti, kroz izmjene navedenog zakona, uvećanje plaća rukovodiocima samostalnih upravnih organizacija, kako se i predlaže u ovoj inicijativi.

U vezi sa dostavljenom inicijativom Ministarstvo pravde i uprave daje sljedeće

MIŠLJENJE

Ministarstvo pravde i uprave je stava da ne postoje zakonske prepreke da se izvrše izmjene Zakona o plaćama i naknadama u organima vlasti Kantona Sarajevo ("Službene novine Kantona Sarajevo" broj 5/19), na način kako je predloženo u predmetnoj inicijativi, ali ukazujemo da je u nadležnosti Skupštine Kantona Sarajevo da odluči o opravdanosti propisivanja predloženog iznosa koeficijenta za plaće rukovodilaca samostalnih kantonalnih upravnih organizacija.

Ministarstvo pravde i uprave će postupiti u skladu sa odlukom Skupštine Kantona Sarajevo, kao zakonodavnog tijela Kantona Sarajevo, u čijoj je isključivoj nadležnosti, shodno članu 130. Poslovnika Skupštine Kantona Sarajevo ("Službene novine Kantona Sarajevo" br. 41/12-Drugi novi prečišćeni tekst, 15/13, 47/13, 47/15, 48/16, 9/20 i 14/20), donošenje zaključka da li se inicijativa prihvata ili odbija.

Napominjemo da je Ministarstvo pravde i uprave, kao nosilac izrade propisa, pristupilo izradi Nacrta Zakona o izmjenama i dopunama Zakona o plaćama i naknadama u organima vlasti Kantona Sarajevo, na osnovu Odluke Vlade Kantona Sarajevo kojom se daje saglasnost na Elaborat o provođenju aktivnosti koje treba realizovati radi uspostave Helikopterske jedinice MUP-a Kantona Sarajevo.



web: <http://mpu.ks.gov.ba>
e-mail: mpu@mpu.ks.gov.ba;
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1



S tim u vezi, ovo ministarstvo će, pod uslovom da Skupština Kantona Sarajevo prihvati ovu inicijativu, u navedeni nacrt zakona inkorporirati i predložene izmjene iz predmetne inicijative.


S poštovanjem,

Dostaviti:

1. Naslovu;

2. a/a.

MINISTARSTVO
Darja Softić Kadenić



web: <http://mpu.ks.gov.ba>
e-mail: mpu@mpu.ks.gov.ba;
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1



PRILOZI

Zakon o Vladi Kantona Sarajevo („Službene novine Kantona Sarajevo“, broj 36/14-Novi prečišćeni tekst i broj 37/14)

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.



Bosnia and Herzegovina
Federation of Bosnia and Herzegovina
**CANTON SARAJEVO
ASSEMBLY**

Na osnovu člana 130. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćen tekst, 15/13, 47/13, 47/15, 48/16, 9/20 i 14/20), Skupština Kantona Sarajevo, na sjednici održanoj dana 2022. godine, donijela je slijedeći

PRIJEDLOG

ZAKLJUČAK

1. Prihvata se Inicijativa Kabineta Premijera Kantona Sarajevo broj: 02/01-02-45704-1/21 od 12.01.2022.godine za dopunu odredbi Zakona o plaćama i naknadama u organima vlasti Kantona Sarajevo („Službene novine Kantona Sarajevo“, broj: 5/19).

2. Određuje se Ministarstvo pravde i uprave Kantona Sarajevo za nosioca izrade Nacrta zakona o dopuni Zakona o plaćama i naknadama u organima vlasti Kantona Sarajevo („Službene novine Kantona Sarajevo“, broj: 5/19) u skladu sa propisanim postupkom i načinom pripremanja i dostavljanja propisa.

3. Inicijativa iz tačke 1. ovog zaključka, sa mišljenjem Vlade Kantona Sarajevo i Zakonodavno-pravne komisije Skupštine Kantona Sarajevo, dostavlja se Ministarstvu pravde i uprave Kantona Sarajevo.

4. Ovaj zaključak stupa na snagu danom donošenja.

Broj: 01-02- /22
. .2022. godine
SARAJEVO

**PREDSJEDAJUĆI
SKUPŠTINE KANTONA SARAJEVO**

Elvedin Okerić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1

